

槐野先生存笱稿

槐野先生存笥稿卷之三十二

左輔王維楨著 館甥渭上南師仲編

五言律詩八十首

送人之金陵 以下北署稿

上元壽傅母太孺人

午日送郭主簿之江都二首

送內兄選士郭子歸省二首

寄郭舅郭故爲縣倅

寄齊侍御

夏至齋居

送孫生鋌入吳成婚

雨中郊寺送郭子

慈仁寺集鄉中諸友

送華學士之留都

中秋集汪尚寶舍和韻二首

白僉事入賀 聖壽却還山東二首

送彭子還山二首

贈許氏二首

有引

送王司成之南都二首

沈光祿謁歸以改筮先大夫兆

申進士令分宜

秦維价宰孟縣

寄贈宗兄司訓

送汪子

送徐推官之西安

輓許相國夫人二首

送李明府之任蜀中李父故爲御史

贈陳憲使之江西兼訊謝許二丈二首

還闕二首

寄家書二首

寄東氏妹二首

五日登毘盧閣同王趙二子二首

予既還京會無錫王子亦至因簡二首

寺閣同諸子和楊司諫韻四首

立秋書懷

聞蟬

秋日閒居二首

贈張秋部決獄南畿

雪日詣宮門哭
大行皇后有述

贈學士張公之留都

春晚見白髮作

聞鶯次趙子樂比部韻

孝烈皇后輓歌四首應制

人日作

春日寺集和尹崇基韻二首

賦得天寧塔贈別胡中望同年

郭氏莊遊次崇基尹子韻二首

南浦舟泛次韻

南浦觀蓮次韻

贈閔氏提學山西

贈劔與孫都督

送葛給事以使冊封歸河西二首

輓竹坡隱君

有客二首

贈朝宗劉子宰瑞安二首

寺中訪喬景叔大叅留宿二首

五言律詩

送人之金陵

君行辭 北闕予意慕南邦
龍旂雄蟠岫煙花錦夾

江春聲聞凍浦暖日透船窓
最是乘潮便無緣鼓楫

雙

上元壽傅母太孺人

漢京燈夕至今節倍繁華春酒新浮蟻名媛舊夢蛇
邦傳三徙訓宴倚五陵霞卽此勝王母無勞羨孟家
午日送郭主簿之江都二首

午日有蒲觴留君醉 帝鄉酒醒天欲暮別去念何
長臺駿元稱隗棘鸞却負香不能推俊彥羞說位巖
廊

其二

直泛長淮盡開窓見廣陵千區朝市客萬點夜船燈

擁岸人騎竹當官子飲水無言不得意茲地古來稱
送內兄選士郭子歸省二首

聖代無屈士如君竟自舒名通上國籍執挾右軍書
久客鄉心發長郊去馬徐遙遙函谷外白髮倚門閭

其二

送歸殊自歎十載任長安旅跡同飄梗征人獨采蘭
天遙堤柳黑鄉近獄蓮丹孟老應相問惟貧似伯鸞
寄郭舅郭故爲縣倅

逍遙官罷後依舊只哦松世上無窮事心中自不容
健知弃杖走遊說抱琴從如向三峰頂迎人有二龍

寄齊侍御

南國得炎早因君五月霜威傳江客遠書上漢廷長
塞北仍多事天涯憶舊行何時歸柱下高論動巖廊
夏至齋居

節候忽如此端居感慨心城雲看火度宮樹起蝸吟
便覺年將半那堪暑遂侵所思在虞帝南吹散瑤琴
送孫生鋌入吳成婚

去矣秦淮水南風茁茁新身遊吳帝苑人擬孟家親
鳳管臨臺發鷄山引眺頻六朝文物舊未可廢推論
雨中郊寺送郭子

東林君且住急雨濕征衣愁說恒河漲思看佛日暉
情人頻勸酒釋子解忘機但道沈冥坐鄉山定裏歸

慈仁寺集鄉中諸友

春來不得意秋至尚羈棲鄉思深燕館客遊到庖谿
新涼蓮水畔宴坐夕陽西世事唯堪醉青尊爲爾攜

送華學士之留都

君王正圖治學士乃南轅春度長淮水星分太乙垣
馬遷元石室方朔本金門卽見徵還日懷書十萬言

中秋集汪尚寶舍和韻二首

高城角夜流高宴屬豪遊醉度霓裳曲清吟落葉秋

霜將月皎皎思爲客幽幽可那南樓笛
敲敲是隴頭

其二

今地月華流全勝天柱遊蟾蜍臨水靜
風露滿庭秋
寒鵲驚枝繞鳴蛩破室幽關山未歸戍
此夜倚樓頭

白僉事入賀 聖壽却還山東二首

閭闔九重開衣冠萬國陪象隨人共舞
鳳逐樂雙來
仙醴擎盤露山呼遶殿雷夫君亦至止
金鑑錄須裁

其二

舊是含香吏今爲攬轡臣來知戀 北闕
去擬慰東
人海氣瞻浮蜃郊情憶獲麟遠遊空復
志送子重傷

神

送彭子還山二首

看君得臯去別路倍堪悲
虛負彈冠志真成納履疑
身應卧滄海夢不到
形埶若遇漢翁問何當著楚

詞

其二

本性嗜閒居歸來得遂初
向平家累畢中散世情疎
遊獄將新履絕交有素書
平生飛動意為爾欲焚魚

贈許氏二首 有引

仲貽許氏之遷南奉常也王子戀焉又歎其成畫

歸也詩並有之

君家鍾阜下 聖祖舊邦畿
二水清官舍 千門鎖帝闈
到知仙是侶 行羨宦爲歸
晝日驅車馬 相如倍有輝

其二

許子予所好 言離戀不窮
才華今謝眺 官譽舊山公
卿月隨行李 王風速去蓬
南登有詞賦 莫不附雲鴻
送王司成之南都二首

帝謂夔能教 南雍此奉恩
蒼龍辭漢闕 白馬度吳門
道以先生重 名令學者尊
舊質勞睿想 博望欲

開園

其二

敢云鳳是侶十載濫同池交愛那能道行旌不可隨
堂留倒屣處途望着鞭時南國見春草知予千里思
沈光祿謁歸以改瑩先大夫兆

原生慕京兆孔氏疑防山大孝今誰繼憐君此日還
沾衣辭漢署走馬向江關若到悲鳴處佳城在此間
申進士令分宜

申生予所獲少年懷遠心手持循吏傳言赴楚江潯
敢謂張華識相期宓子琴彈來無自苦世上有知音

秦維价宰孟縣

河陽元勝地之子去乘軒花樹迷官路
濤聲入縣門孤城已非晉舊事尚追潘
誠使芳名續折腰未足論

寄贈宗兄司訓

蚤歲淹經術長途阻着鞭逢人惜白髮
得宦耐青氈上論推匡鼎諸生仰鄭虔
思兄若春草徧繞泮池邊

送汪子

出城芳草歇臨水芰荷生節換羈心感
山回客路橫同人違上國天子在西清
萬事憑誰語悠悠悵別情

送徐推官之西安

故國君爲理歡來却自歎秦人今好訟漢法本從寬
三面羅應解重關路亦難須君按轡入百里到長安
輓許相國夫人二首

相國能扶 聖夫人勸奸賢令名追解珮峻業至回
天何悟飛霜月遂成殞蕙年國門丹旄去清淚萬人
縣

其二

澗水函谷接青蘋歲歲生歸魂今日駕薦豆向來情
行望胡笳慘入鄉縵嶺橫爲詢迎玉鶴何日返雲輶

送李嗣府之任蜀中李父故爲御史

名家周柱史才子漢郎官去望星隨憶還知缺戴冠
棧花驅馭暖江月照琴寒萬里遊真勝無歌蜀道難
贈陳憲使之江西兼訊謝許二丈二首

繡斧江遙入白雲官獨能平持漢氏法威著暴公稱
山雨城常暗浦雲波自澄亦知文賦客滕閣幾回凭

其二

謝子猶垂翼許君復縱鱗高賢無下位遠徼有孤臣
南檝同人逝東門把袂頻因君轂二子離思不堪論

還關二首

許身已南山
歛爾謁天關
猿鶴堪深怨
冠簪亦舊班
海元群水匯
辰自衆星環
聖世誰能隱
移文不愧顏

其二

西人皆好武
吾亦罷論文
昨向南山下
時隨射廝群
趨朝寧狗國
在野每懷君
盱食憂邊切
阿誰請入軍

寄家書二首

母念今逾切
別來夏又殘
時驚流水逝
日作倚門看
有客傳消息
爲郎憶考槃
應知非謾語
貧賤故能安

其二

客心殊不樂千里獨長安
夢寐還家屢風波涉世難
跡危偏信卜慮重欲辭官
悵望西飛鳥何由附羽翰

寄東氏妹二首

萬里游真倦向來依故廬
寧親迎衛女設饌釣河魚
奔 詔身仍遠思家意不舒
班昭應有念早上丐兄書

其二

危途親更隔獨客意偏哀
信遠憑長翼詞悲敘大雷
畏人將宦薄懷汝覺神摧
何日雪堂共重賡詠絮才

五日登毘盧閣同王趙二子二首

應赴東林賞榴花故國同况今辰不住可使色成空
載酒諸天上掇蒲淨界中宴闌人未醉憑閣思無窮

其二

滄流不入渭西嶺故遮秦本博樓中趣翻傷望裏神
停柁看去鳥落日下同人支遁休怪馬急將入暮關
予旣還京會無錫王子亦至因簡二首

金門仍侍朔 聖代敢逃堯以我猶懷隱知君勉赴
招陌塵袍色化世故道心消何似滄江畔白雲間自
詮

其二

華獄吳江口雲天萬里遙相違憐宿昔相見復今朝
缺判終同匣鴻飛不異霄扳歡斗酒匱爲爾脫金貂
寺閣同諸子和楊司諫韻四首

紛紛京洛客此地幾能遊氣爽秋疑早林深晝亦幽
觴緣消暑舉興爲慕空留可道危樓晚猶須上上頭
其二

陰晴誰可料朝霧晚爲開簷鴿衝空逝江虹截雨來
霞流忽殿閣身擬到天台遊獄嗟難遽今觀亦異哉
其三

居峻望逾迥浩然生遠思山無雲斷處塔有鴈來時
繫足書猶澀傷神客自知十年塵土裏初服盡爲緇

其四

樓中客未返棲鳥已松篁興在惜餘照空冥識妙香
鍾磬侵檻急柘影接雲涼惠遠休憎飲陶公嗜醉鄉

立秋書懷

故園當此日一葉下深閨萬里勞親念孤兒作客悽
身將天共遠心與火俱西昨向秦關別春風草色萋

聞蟬

上苑無窮樹微吟抱一枝風回磬故迴雀繞跡堪危

清飲垂天露寒哀向暮時
羈人愁聽汝獨坐正多思

秋日閒居二首

千里逢秋客閒居感慨中
宦踪巢幙燕鄉念下江鴻
院靜蛩偏響霜寒木漸空
遙憐故山桂鬱鬱自爲叢

其二

窮巷深仍僻應門午未開
知無問奇客不是草玄才
履跡荒庭沒秋聲遠樹來
誰言繫朝籍只擬卧雲隈
贈張秋部决獄南畿

使旄人總羨之子獨含情
司寇雖持法天王本好
生江楓霜後葉水驛月中程
縱令君多念能無秀句

成

雪日詣 宮門哭 大行皇后有述

文母登遐日 哀臣哭臨時 風如妻玉闕 雪擬到瑤池
宮女看雲立 仙人騎鶴隨 向來權白意 此日淚偏滋

贈學士張公之留都

春水吳天渺 風帆易石城 才奇牽物望 跡遠軫皇
情 何日迎周旦 前身是孔明 岐途無限意 佇立暮雲
生

春晚見白髮作

苑日柳全綠 庭風榴欲然 不知何處雪 吹向鬢毛邊

把鏡光堪妬傷神客獨偏十年成底事惟取百憂煎
聞鶯次趙子樂比部韻

予懶春遊減掩關客罷迎居深羈旅感鶯作故園聲
適響和風斷得群遶樹鳴向從家柳聽不是此時情

孝烈皇后輓歌四首應制

大聖今誰儷長辭久益哀暖鶯清淚墮夏樹淒風來
鳳輦宵空備婺星瞻已頽猶思少翁術見貌上瑤臺

其二

範內留芳訓扶天有駿功仙遊知跨鳳聖念爲當
熊玉珮虛無裏蒼雲悵望中宜春花照眼淚灑舊時

叢

其三

暖候親蠶舊今朝罷采桑六宮齊下淚萬葉爲誰長
苑草春猶綠雲車晝竟藏返魂百無賴空有月氏香

其四

卜勝開今隧峰回水抱關丘成千隊力星照九泉灣
騎吹晨風壯龍旒夕霧斑都人瞻送處號是武擔山

人日作

人日陰晴半燕山獨望時晴當免天扎陰豈有災危
天遠真難問春歸只益悲西南渭川渺冰泮快漁師

春日寺集和尹崇基韻二首

處處春光接客愁，殊未開言尋息心。
侶遂到望鄉臺，見鴈翻增恨。逃名莫道才漫看，諸妙樂取醉藉蒼苔。

其二

長安少年子，春來日日嬉。城南無數寺，花柳徧含滋。
走馬尋香入，逐鶯載酒移。吾衰今可笑，向此亦棲遲。

賦得天寧塔贈胡中望同年

平郊曠千里，孤塔突青天。寒集三秋鴈，危開百丈蓮。
望應收楚蜀，執已壓幽燕。徙倚吾愁上，離魂會渺然。

郭氏莊游次崇基尹子韻二首

曠野迷禾黍聞流不辨谿問途行復立入里北還西
谷遠疑禽響園深詫虎啼上林云在邇獵地豈應栖

其二

稼事村村似河流曲曲同分明燕甸外只訝鄭谿中
三伏渾遺暑百禽各占叢簪纓聊此日丘壑竟吾躬

南浦泛舟次韻

呼舟催力進波靜日仍暉怕有回風作虛令蕩槳歸
白鷗來故狎青島望何微出浦聞相近吾將遂所依

南浦觀蓮次韻

生來本自潔非爲遠塵氛丹抱芳心色光回水面文

不愁逢赤日却愧比朝雲更笑蹊桃艷春歸遍地紛

贈閔氏提學山西

晉壤胡沙接羽書歲歲聞登壇誰練武擁節子論文
道向河汾重秋來烽火勤自嗤簪筆者翻欲學從軍

贈劔與孫都督

寶劔藏年久匣中淥水光千金酬未許一日爲君將
青海傳雙箭天山駐五王何當持此去萬里靖邊疆

送葛給事以使冊封歸河西二首

推珮辭宮直分珪向塞城星楂千里使帶礪萬年盟
雪路遲春草天山少早鶯梁王偏好客除道迓枚生

其二

星海與崑丘迢迢壯故州人從青瑣去鄉得錦衣遊
首宿銜天馬河源泛月舟歸應折榴棗萬里致同儔
輓竹坡隱君

聞說幽人逝猶餘竹滿山交風敲似咽近淚色多斑
笛憶龍吟斷枝應鳳去閒空令嵇阮輩攜酒到林間
有客二首

有客談農事凄然傷我心風回青失墮日轉赤流金
處處神巫問哀哀寡婦音憑誰還報語 帝禱已桑
林

其二

單于歛款塞使者急臨邊果得蒲梢馬何言少府錢
沙場元恨并炎月更生煙願假將軍劔山山爲出泉
贈朝宗劉子宰瑞安二首

得邑東南畔 皇心念遠人徵求深到越山海近連
閩九曲神仙窟三年撫宇身政成知有慕潛渡武夷
津

其二

南國余真慕湖山每按圖宦來情漫切君去景應殊
秋浦平開鏡霜林豔抹朱過家潮正壯還是子胥無

寺中訪喬景叔大叅留宿二首

遠客來千里息心卽此宮世途已白髮池館復秋風
慷慨吾真動留連夜易終朝來聞過鴈翹首共遙空

其二

君自梁園至予依燕塞居臺金事已往苑雪賦何如
俱抱千秋感因停五夜車祗須謀一醉率爾脫銀魚

槐野先生存笥稿卷之三十二

槐野先生存笥稿卷之三十三

左輔王維楨著 館甥渭上南師仲編

五言律詩七十五首

東峰二首和韻 以下家居稿

趙孟靜弟下第歸

郡堂趨賀 聖節三首

按南寺避暑四首

贈馮子

西溪亭上分韻得屏字二首

草堂卽落棹往悲今愴然有懷于我翁遂賦四

韻爰抒底衷焉

熱

郵亭賦別限韻二首

宴南寺用韻

冬至西溪限韻二首

別浦竹塘侍御二首

元宵

齊大尹父母雙壽二首

送李兵備致仕歸二首

壽趙中丞母七十二首

張憲使父母輓詩二首

寄朝邑劉令二首

春夜草堂飲趙孟靜限韻二首

暑雨

寄周潤夫汪子才二曹郎

夜雨

美人篇

秋日登野樓同郭子得差字

出平涼尋故人 以下行役稿

王母宮二首

夜投乾州

宿涇陽館穀不至

涇陽蚤發用壁間韻

渡渭

渭南蚤發

宿臨潼

華清宮

渡河用壁韻

王喬洞和趙孟靜韻

望輞川

過湘子祠

秦嶺過文公祠

度秦嶺

商州別舍姪吉兆北歸二首

聞蟬

以下留院稿

除夜書懷

元日喜雪和韻二首

早春過王宗伯宅留飲次韻二首

早春王錦衣宅集諸舊游次盧君韻二首

春日登鳳凰臺次韻二首

春日遊靈谷寺次韻

贈仲良童子之任泉州二首

悼內爲項氏作

哀妣爲項氏作

張戶部母六十二首

五言律詩

東峰二首和韻

孤嶂藏深隱招尋柰爾何芝壇圍鹿洞翠壁挂青蘿
谷許幽人賦溪聽孺子歌如聞鶴書至還卧後山阿

其二

知戀東峰久幽懷定若何縱吟穿水竹避世入煙蘿
澗月傳孤影松風韻短歌會應逢丹侶騎鶴過南阿
趙孟靜弟下第歸

詞賦今司馬轂華宋小蘓誰憐歌短劔吾亦念窮途
錦里千花爛青峨萬嶂殊題橋應有日去矣莫嗟吁

郡堂趨賀 聖節三首

殘月城烏起輕煙嶺樹迷鳴鷄醒短夢躍馬度長堤
曙鼓雲邊落華簪柳外齊鶯聲隨意轉粧點漢金闈
其二

法仗瞻依似遐方拜舞同絳霄浮瑞靄華燭裊高風

簫鼓疑天上冠裳識霧中却思供奉日執簡氣冲融

其三

鼓吹開仙仗衣冠儼漢儀曙星猶紫極香霧亦彤墀
珮影三峰月山呼萬壽詞天顏知有喜逢繫近臣
思

投南寺避暑四首

望裏乾坤赤行邊草樹黃問禪投野衲駐馬坐空廊
竹日晴逾酷松風夕未涼萬人今涕淚吾亦慕商羊

其二

境僻風煙靜林深殿閣涼松琴酬鐸語茗盃豁詩腸

鶴訝銀魚立蓮浮寶地香却憐車馬客盡日競彭彭

其三

吾與層霄外僧除此暫棲苔青滋古棟紗碧護新題
開閣涼飈入攀林夕日低忽驚孤鳥起直上五雲齊

其四

戀勝登臨屢松杉鬱作叢萬方愁赤日獨閣快涼風
觀世塵沙裏談玄感慨中斜陽催去轍回首盡晴空

贈馮子

知子馮驩齋劍歌志亦同撥灰殘夜月攀桂阻秋風
麗賦千金在霜蹄萬馬空飛騰應有日未可悵途窮

西溪亭上分韻得屏字

曲水圍青帶回岡抱翠屏
冠裳仍廢榭鷗鷺自寒汀
霞覆千年樹風翻十月萍
少陵何處問徒倚白雲亭

其二

暮倚溪山曲悠然見晚屏
水風醒酒面野火辨渙汀
坐下忘機鳥行吟浪跡萍
良遊天亦縱明月故亭亭
草堂卽落悼往悲今愴然有懷于我翁
遂賦四韻爰抒底衷焉

風燕懽穿戶晴花笑入簾
豈知居室者愁惋轉相淹
堂豁堪羅鼎丘高早傍巖
小樓曾一上楓木落遙尖

熱

院深風不度火鑠酒猶溫
林密翻包暑蚊多故趁昏
何方無五月明發問孤村
蓮洞涼如許岩崑不可奔

郵亭賦別限韻二首

春館寒猶峭霜旌氣愈嚴
萬人遮去馬一斗候虛簷
柳色暗浮閣嵐光翠入簾
攀君真失計彩筆漫重拈

其二

暫爾關河客相看幾愴神
恨無繩繫日漫說馬回輪
三疊柝前曲雙旌盡裏身
自茲懷遠夢夜夜逐行塵

宴南寺用韻

疎林帶落日殘靄碧氛氳境勝詩相逐情高鶴欲群
梵歌羞豔曲歸鳥度行雲要對諸天月不妨入夜醺

冬至西溪限韻二首

杜翁行樂處千載憶詩王境接風人會筵依雪岸張
猶看溪激澗亦有樹低昂忽漫豪吟發潛鱗出境望

其二

有賦空招杜論才遠謝王溪回青鏡轉山繞翠屏張
當日亭何著臨風氣頗昂遺踪誰可問雲樹幾回望
別浦竹塘侍御二首

何事乘驄客今朝奉節還一封言慷慨萬姓淚潺湲

去望雲中 闕行看雪後山
蹊梅蕪館竹聊可慰愁
顏

其二

殘冬憐北去千里霧雲昏
自伏批鱗咎長歌行路言
逢人惟洒涕有夢尚排闥
到日春墀下陽光透覆盆

元宵

豈無三五夕歌管獨今宵
陌上游人滿風中曲子搖
寶鈿分朗月火樹燦煙霄
爲樂看如此昇平戴帝堯
齊大尹父母雙壽二首

七十今辰及榮光昔日無人同
龐老譽庭有謝家株

筵啟蓬仙下笙鳴野鶴趨何當綿歲月幾見海波枯

其二

雙挾藍田掌登堂酌碧醪海雲回彩服春色醉仙桃
健擬千年頌祥看五色毛縣知瞻拜日白髮兩刀騷

送李兵備致仕歸二首

自擁元戎節憂時髮易斑 賜環諧始願躍馬度遙
山勲業麒麟上神情水月間昆池大如許任爾弄潺
湲

其二

共說失金障何緣卧碧鷄有聲知漠北不語過巴西

行裏鶯花伴別來虎豹啼縣知歸後夢缺馬尚沙蹊

壽趙中丞母七十二首

生當五月望戟府夜猶筵北斗輝瑤樹南風沸錦絃
健躋榴閣坐笑指桂輪縣司馬因將祝千回伴母圓

其二

自製稱觴曲膝前趙倚樓絲雲停白馬烏府勝丹丘
蒲酒偏宜夏萱階不受秋長生吾有頌其奈野人謳

張憲使父母輓詩二首

那處埋雙玉條山傍大河只今駟馬貴不柰九泉何
墓草輝丹詔渚蘭真碧阿無情東逝水日夜咽鼗

多

其二

幾持天子詔哭向壠雲端髮爲招魂白衣緣灑淚
丹人猶傳虎座家尚德熊丸化鶴雙來有朝朝倚柱
看

寄朝邑劉令二首

十月菊猶艷折花遠贈君夢中宵對酒 闕下昔同
雲塞北風煙鬱中原鼓角殷知君抱雙劍端擬樹高
勳

其二

竟是排雲羽不妨下陡風相看從白眼自誓有丹衷
花滿新栽樹威傳舊避驄定知罷琴坐有句念王戎
春夜草堂飲趙孟靜限韻二首

窈窕歌今夕留連及曙鍾殘星低北牖片月墮西峰
歡向樽前劇思於別後重高標蓮獄似萬仞削芙蓉

其二

幾載天涯別今宵此聽鍾昔游慚二妙新興等三峰
宿鳥窺燈起春雲貯院重明歸錦江曲相憶采芙蓉

暑雨

風雨清涼暫愁心切斷虹坐看雲入岫卽有暑侵宮

河朔遙難去雪鄉事亦空人言林谷爽毒霧轉濛濛
寄周潤夫汪子才二曹郎

懷人情不極日暮且登臺望盡長雲影那能鴻鴈來
宮綾宵並直署草曉同裁應歎離居者逍遙華獄隈

夜雨

夜雨聽無厭春來望至今枝甘棲鳥濕泓得卧龍吟
愁說朝陽起綠知瓜圃深殘燈具篋笠欲向東門尋

美人篇

美人樓上坐曲曲度成章能駐行人騎難窺傾國粧
問年逾二八下嫁待春陽不比巫山女朝朝赴楚王

秋日登野樓同郭子得差字

久客悲秋屢今歸重我嗟青山猶故國黃葉變人家
不盡樓中感况多髮裏華世途空節序真覺向來差
出平涼尋故人

窮塞涼州是吾今出更西峽深昏白晝劍在耀青霓
畏色生危巘吟情亂急溪故人千里外有酒慰羈棲
王母宮二首

地勝層山抱人亡故事訛來緣舒遠眺到豈訪仙娥
鼓吹失青鳥風雲引玉珂未須生羽翰身世已蹉跎

其二

崑臨千載後勝覽萬山中鳥散空斜日桃殘但野風
有無來絳節今古自丹宮特恨雄才主尋仙志不窮
夜投乾州

旦發暮還轍荒林已宿鴉前旌明野火遠戍咽樓笳
行漸初星密愁深曲徑斜風塵疲道路瞻想五陵霞
宿涇陽館穀不至

寥落今宵最空庭淚吏稀才疎誰授粲吟苦自關扉
浪說銀魚貴翻憐紫葢肥浮雲悲世態萬古憶緇衣
涇陽早發用壁間韻

征心催五夜歸路引雙麾野澗殘星動林疎落月垂

有懷詩不減無懼劍常隨
暝色行看破寒煙帶柳絲

渡渭

日暮煙波濶輕橈趁遠風
人憐舟楫外興落水雲中
沙冷喧鷗急天昏鼓棹雄
漁磯何處是千古憶非熊

渭南蚤發

燈火凌宵發行行傍渭濱
樹雲蹲虎豹水霧失星辰
舟楫百年志風煙四海身
洪濤聽正急未可濯纓塵

宿臨潼

宿處傍驪山泉聲入卧潺
鼓鼙千載恨寂寞萬峰閑
星過明逾火雲來暗似髮
嬌娃已傾國眉月尚澄彎

華清宮

禁沼人能浴禁垣草自荒斷山銷王氣廢閣罷霓裳
樹任玄猿嘯泉留碧砌光碧梅不知變猶自縱寒香
渡河用壁韻

挂席東西望茫茫萬艦多估人輕七尺漢子犯層波
岸濶迷青漢風生怯綺羅蘭橈且莫進欲聽濯纓歌
王喬洞和趙孟靜韻

古洞名空在何方王子喬無因驟白鶴真愧擁青袍
雲冷金丹竈心傾碧玉簫招尋非異姓倘爾下煙霄

望輞川

昔賞人安在嘉名尚輞川我車不可到野立重依然
山有題詩野溪多種秫田勞生空碌碌何日此攀緣

過湘子祠

山深行不極澗水鎮相隨已倦遊人意忽逢湘子祠
花驚十月艷鶴動九天思仙駕倘相借翩翩遂所期

秦嶺過文公祠

萬里南遷客千峰昔此停雪巖不可度猿夜若爲聽
道在翻能重名高故有亭松門吾下馬瞻竚涕雙泠

度秦嶺

未曉登崇巘已窺海日明雲從車下起人在斗邊行

天險分秦塞神謀度漢兵却思千載事感慨不勝情
商州別舍姪吉兆北歸二首

鄉念吾方切商山汝又歸相看愁對酒臨別更沾衣
望極白雲迴暑空紫蕨肥他時遂初服此地更須依
其二

汗血渥注種苞毛丹穴兒一鳴誠有待萬里固須期
岐路情難盡人離老易悲向來遊宴地竹樹獨離離

聞蟬

客居不傍樹蟬響遙遙風帶月流虛院和砧入暮空
驚心寒不遠爲客思無窮忽墮雲中影嗷嗷又塞鴻

除夜書懷

怕說明星出愁聽夜漏殘
羈人家萬里新歲若爲歡
漫使梅輝閣徒教柳媚闌
東隣簫鼓競曲徹又更端
元日喜雪和韻二首

今年今日雪四望四方同
卜歲豐應至寬愁酒未窮
飄將梅苑失積與石欄崇
郢調能歌此千春直到公
其二

不雪愁皆甚旣沾喜亦同
只悲寒卧者猶自困途窮
故擁蓬門斷偏增玉閣崇
誰能命車馬除道訪袁公
早春過王宗伯宅留飲次韻二首

南風吹北鴈去去自爲雙楚國空留鳥鹿門虛羨龐
暮雲迷遠岫春棹響空江不是公能款朝朝卧北窓

其二

喚酒期同醉杯行赤玉雙 主逢今日聖俗轉古來
瘡旅抱風吹雪春光柳拂江更言梅樹好一爲拓南
窓

早春王錦衣宅集諸舊游次盧君韻二首

離懷不可道醉裏爲君申跡是蓬飄野情均柳望春
豈期五侯第復見十年人我意鶯能解啼轂故故頻

其二

自我今來此年光感逝川適行初雪裏忽對早花前
風雨春能幾容華向亦妍平生悔斷酒杯到不虛傳

春日登鳳凰臺次韻二首

吾念頻來此經春罷不遊臺花空笑容鄉思只登樓
有酒誰同醉行歌幾忘憂古來臨眺者何處可相求

其二

望極春臺上寂寥千載餘新篁疑鳳羽古樹認蟲書
時去重雲合情來萬事虛關心親舍遠聊爾薦江魚
春日遊靈谷寺次韻

自歎南飛鵲臨風遶樹三幽巖期獨往竟日只空談

野色牽遊騎，塗歌盡采藍。直依龍伏處，花滿亂春潭。

贈仲良童子之任泉州二首

看君如健鵠，塌翅竟翻飛。往事那堪問，初期幸不違。
吳歌送越客，暮嶺駐斜暉。後會應難料，離腸且暫揮。

其二

去住俱爲客，悽悽獨愴神。浮生已衰白，京洛尚風塵。
采藥臨滄海，乘楂釣紫鱗。茲情終未已，訪爾到南閩。

悼內爲項氏作

得意今如此，閨中孰下機。舊臺塵掩鏡，新錦淚沾衣。
夜月烏偏喚，春風蝶自飛。誰能少翁術，爲爾致容輝。

哀妣爲項氏作

寂寂佳城閔萋萋
宰木稠不將青鳥至
知與白雲遊
留誠諸姬頌遺孤
萬戶侯檢囊能贖在
涕下可能收
張戶部母六十二首

令子今如此九熊志已酬
名通漢閩籍身逐楚江遊
饌得湖間鯉丹思海外丘
慈顏誠可駐猶欲泛槳求
其二

瑤池落日外蓬島扶桑東
仙姬誰能見今朝忽此逢
髮將霜共白桃與面俱紅
歲歲華堂宴鸞簫下碧空

槐野先生存笥稿卷之三十三

槐野先生存簡稿卷之三十四

左輔王維禎著 館甥渭上南師仲編

七言律詩五十九首

送縣倅之浙東

以下北署稿

和夏相公九日邵園賞菊

夜雨偶得窓字

迎恩寺次王懋中韻三首

病懷二首

彭子遷居鄰宇因簡

病告馬尚寶孟孟之彭翰編起之許吏部仲貽茅

殿撰邦獻攜觴枉別

和黃子九日感懷之作

雪晴

齋夕有感和大宗伯王公韻二首

長陵恭謁

康陵陪祀

沙河道中用懋中太史韻

祇役山陵懋道院

鞏華城陟眺

沙河逢同年高令

登長陵山和宗伯馬公韻

上陵和韻

長陵樓眺和韻

和韻送友人

送吳吏部謫赴大名

初度

陳子至自嵩山

小至院內對月簡諸同宿

和司空甘公誕日夜宴見示之作

爲人賦碧山

九月二十八日過袁太史詠堂內菊用何氏韻

卜居

冬夜過林太史宅

冬日朝天宮道院和韻

元日

凌進士父母雙壽卷

立春日 賜宴和宗伯徐公韻

正月十六日 冊立敬妃侍班和韻

送李御史之南都

夏日同諸文學登都城和孫志高韻

答袁子告中見貽因次其韻

贈李封君樂隱公

京館守歲同舍姪吉兆

曹侍御以便歸觀太夫人

曹侍御使金陵

冬郊候母北至

贈陳太史奉其家君還蜀

贈袁太史使南陽便且還越用舊韻

贈嚴太史使大梁用舊韻

贈世胤趙侍御之南都

贈吳純叔分司太和山二首次韻

秋赴郊寺同曹王二客夜遊用獻吉先生韻

九月十二日黃太史宅賞菊次韻

贈李給事移官南都

聞警二首

聞笛

秋思

七言律詩

送縣倅之浙東

都門冠蓋憐君別仙棹相將下潞河去袂香攜六闕

霧離筵清轉渭城歌楓江夜泊喧靈籟花縣秋臨豔
越羅到日琴堂定無事松風竹月送吟哦

和夏相公九日邵園賞菊

邵園風景卽陶園踏閣登臺細倒尊閣傍雲霄瞻萬
里臺臨幽薊俯千村媚筵松菊橫秋塢戀節笙歌急
暮軒忽憶蒼生促歸駕幾多翹首望覃恩

夜雨偶得窓字

夜雨瀟瀟亂客窓决渠新水瀉春江暗浮花氣侵重
幙遠度天風慰萬邦坐聽竹前沉玉漏行吟簷際把
銀缸自憐疎曠無機事宿鳥依依出樹雙

迎恩寺次王懋中韻三首

郭外尋幽百慮閑
林邊簇騎五花斑
泉鳴鳥弄俱成調
望日看雲一破顏
好句當春仍碧草
豪游憑閣且青山
直須醕酏酬佳興
重見山翁倒載還

其二

尋幽真愛祇林閑
吟入穠花句亦斑
不用談禪追白社
自將澄性駐丹顏
風回鐘梵流三界
地湧煙霞白一山
塵土預愁朝市去
卧雲看月暮忘還

其三

悠悠雲葉伴僧閑
寂寂風花點地斑
境僻誰能來野

步池空吾欲洗塵顏九衢車馬喧清晝十載神情寄
碧山暮倚佛樓遙送目塞鴻江燕爾知還

病懷二首

望斷鄉關歎各涯淒風孤月伴空齋幾傳白髮門長
倚三叫青雲志未諧病裏愁魂雙劍信夢中歸路兩
山排 君恩自識天同大爲眷詞臣滯乞骸

其二

只擬朝昏賦去來到今吟卧尚雲隈病多合是煙霞
骨志在却非廊廟才何處嚴君憑問卜幾瞻茶嶠強
登臺祇緣菽水捐冠珮倘有 綸恩許草萊

彭子遷居隣宇因簡

只尺門墻接謝家十年京國重才華
官閒常下迎徐榻興動無勞訪戴楂
萍海弟兄真自約上林詞賦許誰誇
話來亦有鄉關思腸斷高樓幾暮笳

病告馬尚寶孟之彭編修起之許吏部仲貽茅
殿撰邦獻攜觴枉別

病裏驚看諸妙過愁顏此日暫成醄
九霄躡步聯簪珮三徑歸心自薜蘿
戀別頻沾燕市酒博歡翻罷渭城歌
他時論賦休推引爲道相如只抱痾

和黃子九日感懷之作

白酒茱萸九日來，却驚烽火照燕臺。愁深漫發籬邊菊，多難聊停客裏杯。霜甸雲霞當晝起，風城鼓角繞天哀。幾回自灑長沙涕，萬古空思飛將才。

雪晴

長安二月雪花飛，五日陰陰此放暉。淒氣不隨雲霧散，輕冰漸向午風微。苑條寒峭鶯聲澁，野徑泥深客願違。聞說城南富花樹，今朝能得幾芳菲。

齋夕有感和大宗伯王公韻二首

吏散庭虛暮雀過，淒風急雪響春柯。坐深金闕催鍾漏，意激青燈對嘯歌。槐月籠雲微映牖，花渠咽水漸

盈科朝來忍問東郊事凍歷千疇滿目皤

其二

雪裏春宵寒寂寂堂中齋客思玄玄迴廊曲檻輕流
霧嫩柳初花並報年四海蒼生雙淚下 兩朝白髮
一燈前閒情唯有蒼頭鶴曲卧悠悠帶月眠

長陵恭謁

文皇陵殿傍居庸覽盡千峰壯此峰石壑蒸雲躡虎
豹玉泉含霧卧蛟龍 神京想像 明王作窮漠淒
迷破虜蹤埋劍藏弓元勝地晚來時望紫氛重

康陵陪祀

塞上猶傳八駿名 帝丘今望赤霄平
千峰雲起旌旗影 萬木風多劔槊聲
玉殿香煙浮俎豆 瑤墀星斗燦冠纓
雍歌聽徹人歸盡 獨立春宵百感生

沙河道中用懋中太史韻

曉日平郊遠色分 皇家千嶂抱諸墳
沾花車騎香聞露 過水冠裳潤帶雲
繡壁斜翻丹鳳執 回沙細擁白蛇文
詞臣預喜瞻依地 寶篆穹碑七帝勲

祗役 山陵懋道院

山程迢遞滿雲沙 仙苑幽虛貯彩霞
興爲吹笙聊駐馬 桃如索笑故開花
芝房漫倚燒丹竈 瑤水空憐泛

海檣此去蒼梧猶道路乘風欲借紫鸞車

鞏華城陟眺

沙城粉堞喜初凭壯接神京亦股肱地湧雲霞圍
御宿峰縣松栢認皇陵青青輦道春苔合宛宛靈
山王氣凝盡說經營勞睿思群工莫自論微能

沙河逢同年高令

故人觴我沙河岸十載相逢各詫顏腰佩魚符今不
賤花開鴈塔舊同攀傍筵官柳低波綠狎客仙鳧占
渚閒更把瑤琴留取醉座中流水聽潺湲

登長陵山和宗伯馬公韻

回首京華隱九門
松蘿高處手初援
山當鰲背蟠三
極天闢 龍顏起一元
弓劍重泉光欲動
陵園千載執常尊
西南更接居庸險
天意分明作漢垣

上陵和韻

岩峩 陵闕切
天門自躡雲梯
不待援萬里長峰連
海嶠 七朝遺鼎壓坤元
驚心玉壘浮春氣
載酒銀河落夜尊
禮謁渾忘鍾漏永
回看山月照東垣

長陵樓眺和韻

玉作闌千金作門
喜從丹磴得攀援
窓中河嶽天歸
漢漠北干戈 帝滅元水鳥
聯翩山鳥引萬峰
回合

一峰尊翠華此日歸何處極目雲霄倚畫垣

和韻送友人

江路鶯花待品題江波激灑淨雲霓風帆春轉煙中
急月清宵停鏡裏棲戀闕回瞻燕樹北還鄉直過
鄱陽西朱衣金馬鸞池彥綸綵轂名賈至齊

送吳吏部謫赴大名

客裏送君情自苦况逢秋色易沾衣征鴻別唱轂俱
切落葉離魂路共飛千里故人應漸減十年宦蹟未
爲非澶淵本是天河水會見乘楂望斗歸

初度

子月簷梅正欲舒他鄉杯酒對寒廬冠裳十載依天
近弧矢茲辰閱世初鏡裏窺顏鷲老大雲中獻賦愧
吹噓西瞻舊業蓮峰下歲晚黃精好自鋤

陳子至自嵩山

去年聞汝到嵩山二室三花鎮日攀霄漢今來還舊
省煙霞猶自帶清顏月明鶴嶺瑤笙滿春入牛溪錦
樹斑勝地遙憐塵世隔相逢徒問白雲間

小至院內對月簡諸同宿

海東滿月上金規風後寒光湛玉墀出檻新梅渾失
影當堦老鶴淡無姿宵深霜露侵偏劇節變星河望

欲移坐待巖城樓觀曉擬看雲物共登危

和司空甘公誕日夜宴見示之作

子雲詞賦三巴外伯禹勲名萬載前芳遠有人仍繼躅陽回此日正開筵雪融漢閣春含色星聚燕分夜集賢須信朱衣稱筆地全勝碧海獻桃年

爲人賦碧山

十年曾傍碧山居翠霧丹雲日在廬遂使世人疑豹窟旋看之子起龍渠春溪細發王孫草石室深藏太史書不得歸來尋舊隱徒懷幽勝說縣車

九月二十八日過袁太史詠堂內菊用何氏韻

秋杪今登袁子堂主人耽菊似陶郎深依北牖長留
色近掇東籬故帶香節逝燕臺還勝賞霜飛朔塞入
寒鄉向來花樹看皆盡唯有金英殿歲光

卜居

由來卜築避天街此日幽棲意更諧無客蓬蒿從滿
徑有時鳥雀自馴堦雲中歌鼓五侯第塞上旌旗千
里懷閉戶著書愁未得傍人休擬草玄齋

冬夜過林太史宅

北斗高城欲壓墻南樓鼓角漸微茫寒筵酒罷情仍
劇宵路月明去不妨奕世衣冠周太史驚人詞賦漢

長楊交游海內如君最跨馬時來學鄭莊

冬日朝天宮道院和韻

歲暮桃花開不稀洞靈仙子跡非微朝來謁帝迴金
節雪裏迎賓混羽衣地勝真疑凌海入書成不欲換
鷺歸晚鍾蕭颯三天靜細聽南華悟道機

元日

白露陰陰欲匝天今年元日異常年簪纓朝退沾猶
濕梅柳春遲凍不妍趁節軒車交紫陌臨風樓閣落
朱絃愁予正爾成孤坐栢酒盈觴爲罷傳

凌進士父母雙壽卷

少從高隱傍滄江老得家嚴重海邦沙上鴛鴦栖每
並庭前玉樹看成雙白雲晝伴幽人室明月宵隨釣
客艤卽此長生堪預卜未知蓬島問仙幢

立春日 賜宴和宗伯徐公韻

上林春到暖何偏遂有歸鴻幾度連氣早乍融城上
雪筵開初散 禁中煙鶯知送酒歌能至梅爲看花
放故先此日承 恩予忝竊十年簪筆未稱賢

正月十六日 冊立敬妃侍班和韻

漢宮班氏奉 恩偏遊輦從車許接連遂以鴻名傳
玉冊卽將 龍節導鑪煙日臨長信雲相映花發宜

春暖獨先借問侍臣誰紀勝賦成唯有馬卿賢

送李御史之南都

前年憶爾在鍾山夏半年今年謁帝關立傍苑葵心
共赤憂深封事鬚先斑擬將解佩醴燕市忽漫拏舟
下潞灣安得從君便南去鳳臺同眺白雲間

夏日同諸文學登都城和孫志高韻

帝城今得倚崔嵬可那懽多暮角催不去真憐天上
侶貪涼忍罷掌中杯風筵簫颺霜疑下霧堞陰森晚
漸開時向建章宮北望通天隱隱見高臺

答袁子告中見貽因次其韻

予苦書長鄉思紛閒居君亦歎難曠伴人雙燕常依
壘抱樹孤蟬自作群越鳥謳吟真有調玄暉休沐本
能文多君持贈明珠似每玩慙慙到夜分

贈李封君樂隱公

丈人高隱古梁園脩竹蓬池今在門自向明時甘抱
甕却因令子強乘軒黃河東望煙波濶魏闕遙瞻雲
霧屯牟氏懷恩情漫切任公垂釣意終存

京館守歲同舍姪吉兆

旅夜張燈共寂寥天涯明日是元朝高城哀角腸俱
斷故國竹林望獨遙老去憐余終畫扇悶來羨爾竟

承蜩休將勲蹟虛相擬春伴同歸興已饒

曹侍御以使便歸覲太夫人

老去離多愁正繁翩翩游子忽歸軒歡來不用忘憂
草倚處今爲下馬門饌鯉幾年違道路盤瓜七月薦
家園却思繡斧仍王役遶莫筵前舞袖翻

曹侍御使金陵

西北烽煙年更劇東南民力日堪哀拯窮早上寬租
疏按塞猶思攬轡才王氣金陵千古會大江雪浪九
天回亦知遊覽非君志望闕能無上鳳臺

冬郊候母北至

至後今年真可憐劇晴寒月有和煙梅香早動周京
路柳色先歸朔塞天千里隨春應未苦雙眸望遠忽
潸然不將王馭還鄉國却使潘輿此逝遷

贈陳太史奉其家君還蜀

苦憶滄浪作釣翁將歸令子 帝恩洪驛車直到花
溪口險路虛愁棧閣中天闢劍門元向北江盤巴字
竟趨東未應便逐綸竿往簪筆還來侍漢宮

贈袁太史使南陽便且還越用舊韻

予住終歸華下堂君行旋作殿中郎人間岐路腸堪
斷馬首春花日漸香桐葉遠將虞子國宛丘今識漢

皇鄉馮高好望南征道楚越通波一鏡光

贈嚴太史使大梁用舊韻

梁王城壓大河隈臘盡濤聲入殿來正憶星楂人忽
到同游春苑鴈初回倒池綠竹明新色媚客金罍出
舊杯作賦不辭頻授簡亦知君是馬卿才

贈世胤趙侍御之南都

十載承恩侍帝闈封章四海奏曾稀漢庭賈誼名
何忝春水吳舟志却違寇盜關南鼙鼓急烽煙塞下
羽書飛時危愁劇君仍遠回首江樓定濕衣

贈吳純叔分司太和山二首次韻

真祖宮開襄漢間百年靈跡寄深山醮壇紫氣晴常
覆仙路金扉夜不關香火去看人斷續花源行探窟
潺湲幽尋若遇赤松子莫學留侯竟不還

其二

天門曉闢日臨墀法仗風高颭羽旗侍 帝忽爲遊
楚客到山寧忘入班時官閒寶籙頻開笈世泰仙翁
每獻芝應有徵書還省閣向來才藉 九重知

秋赴郊寺同曹王二客夜遊用獻吉先生韻

朔雲胡鴈急秋風野寺蕭蕭落木中羈客悲深誰共
語上方僧定自開宮寒憐酒伴依依至月望珠樓閃

閃紅莫訝晝遊宵未徹三千世界本無窮

九月十二日黃太史宅賞菊次韻

此日此堂花尚開
驚人佳色對傳杯
醉攀高朵吾三
嗅笑逐良朋歲幾回
節後風庭冠更落
霜中寒藥蝶
難陪却思桃李芳
非日盡向秋前沒
草萊

贈李給事移官南都

南國宮城千載舊
北風舸舫九秋餘
兩都青瑣俱仙侶
四海蒼生有諫書
避雪寒鴻依渚下
經霜江樹入
看踈杳然鍾阜情
真往不得從君遂
所如

聞磬二首

胡騎能過獨石戍燕臺百里接烽煙豈無大將曾推
轂却使 明王自籲天五夜竹宮遙望拜一時軍帖
劇聯翩定應風電驅氛裊餉士虛糜少府錢

其二

雲中猛將真難犯裘馬千群歛復東卽恐漢陽容得
意幸聞上谷敢臨戎歸心誠動悲笳裏伏甲須防險
塞中夜蘂邊村憐昔歲至今鬼哭向秋風

聞笛

寒夜高樓玉笛哀天涯羈客思難裁關山萬里惟看
月霜露孤庭有落梅怨鶴愁聞雲裏下吟龍疑自海

在集系
卷三
邊來誰能吹向飛狐塞一遣胡奴競北回

秋思

城上悲笳斷客情關山隴水總秦聲山連太白西南
壯水下東川日夜清未論濯纓臨岸渚曾因望月坐
崢嶸秋風異域今俱阻翹首高雲塞鴈征

槐野先生存笥稿卷之三十四